



Adolphus filius fuit Adolphi comitis Marchi
ani & Cluensis. Ab eo in omnis generis uir-
tutibus educatus magnam authoritatem inter Ger-
maniae proceres obtinuit. Erat enim corporis, ani-
mi, & fortunæ bonis mirum in modum præditus. Ita-
que post patris obitum suam ditionem gubernã-
dam suscepit, atque omnibus alijs pietate & iustitia
exemplo fuit. Eius ergo uirtute motus Sigismun-
dus Cæsar eum in Constantiensi cõcilio ducẽ Clu-
ensem constituit, atq; Imperij principibus adnumera-
uit, anno millesimo quadringentesime decimose-
ptimo. Cum hoc modo longo tempore suum duca-
tum magna gloria administrasset, tandem moriens

eum anno 1443 filio suo Ioanni reliquit, qui urbem Soest à Coloniensi præfult
alienatam suæ ditioni adiecit. Huius nepos Ioãnes Vuilhelmi ultimi ducis lu-
liacensis filiam Mariam uxorem duxit, atque per eam Iuliacensis & Bergen-
sis dux factus, Guilhelmum filium genuit, qui Adolpho attauo suo quam si-
milimus, hodie magna laude Cluensem, Iuliacensem, & Bergensem ducatus
administat. Monst. lib. 3.